



Шочмо эл, порылык да чын верч!

Б У Д Ъ Г О Т О В /

Ямде лий

22-шо (3722) №,
2025 ий 6 июнь,
кугарня



0+

1933 ий 1 февраль годсек лектеш.



Родо-тукымым ушышо пайрем

Семык – кенеж пагытлан тўнал-тышым пыштыше пайрем. Икмы-няр кече жапыште калык курым гыч курымыш аралалт толшо йўлам шукта: лўмегож да пызле воштыр дене осал вийым покта, ўстембал тич тўрлў сийым ямдыла, тоштыенгым шарналта. Тиде пай-ремым Марий Элыште веле огыл, марий-влакын тўшкан илыме кун-демлаштат палемдат да йўлажым

аралат. Теве Татарстан Респуб-лиkyште Семыкым, ик район гыч весыш куснен, ий еда тўшкан пайремлат. Тений Кукмара район Уялыште (Починок-Кучук) 31 ма-йыште эртаралтын. Тушко Татари-стан, Удмурт, Марий Эл, Башкор-тостан республикла, Виче кундем гыч мурышо да куштышо ансамбль, уна-влак погыненыт. Пайрем вич тўжем наре калыкым иквереш

чумырен. Снимкыште Татарстан Республик Актаныш район Йўштў Памаш школ пеленысе «Ший па-маш» калык ансамблым ужыда. Ёдыр-рвезе-влак изинек марий тўвырам, калык йўлам жаплен кушкыт. Ик тукум весыжлан шинчымашыжым шындаренак кодаш тырша.

Катя СЕРГЕЕВАН фотожо.
Умбаке – 4-ше лаштыкыште.

ПОДПИСКЕ

13 июнь марте Россияште Подписчикын декадыже эртаралтеш. «Ямде лий» газетлан шулдырак ак – 436 тенгеат 14 ыр (Марий Элыште) – дене возалтса. Индекс – П4696.



2022 ий гыч Марий Турек кыдалаш школышто «Отряд особого назначения 01» самырык тулпатыр дружин пашам ышта. Тений тудо Марий Элын эн виян команджлан шотлалтын да республикын чапшым Пенза олаште эртаралтше «Лучшая дружина юных пожарных» регион-влак кокласе смотр-конкурсышто арален.

Тагасымаште Юл кундем федерал округысо 11 эн тале команд вий-куатшым терген. «Отряд особого назначения 01» дружине

(снимкыште) чыла этапыште кўш-ш лектышым ончыктен да икымше верым сенген налын. Ынде самырык тулпатыр-влак Юл кундем федерал округын да Марий Элын чапштым всероссийский тагасымаште аралаш тўналыт. Нунылан сенымашым тыланена.

*Катя СЕРГЕЕВА ямдылен.
Фотом Россия МЧС-ын Марий Эл
Республикысе тўн управленийжын
«ВКонтакте» соцкылысе тўшкаж
гыч налме.*

Российысе увер

«Алёша» фонд «Дети вместо цветов» поро кумылым ончыктымо акцийым увертарен. Фондын темлымж почеш, 1 сентябрьште туныктышылан класс лўм дене ик аршашым кучыкташ да аныклен кодымо шийвундым начар тазалыкан йочам эмлаш колташ. Тўрыс увер – aleshafond.ru сайтыште.

Ўдыр-рвезе-влак, еш командым поген, «Это у нас семейное» конкурсыш ушныза. Участник-влаклан поро пашам ышташ, спорт модмаште вийым тергаш да тўрлў вес заданийым шукташ темлалтеш. Кумда увер – family.rsv.ru сайтыште.

6-22 июньшто «Ача-аватым тоштерыш нантай» всероссийский акций эртаралтеш. Пушкин картан ўдыр-рвезе-влак ача-аваштлан тоштерыш, театрыш, концерт залыш 10 процентлан шулдырак ак дене билетым налын кертыт.

Тунемме идалык иктешлалтын

Тунемме ий мучашлалтын. Ынде кум тылзе канаш тўналына! 5-ше «Б» классым 21 йоча тунем пытаренна. Кандаш йоча ударник лийын. Ий мучко тўрлў мероприятийышке, конкурсышко ушненна. Миша Степанов ден Рома Павлов почеламутым сайын лудыт: икымше верым гына налыт. Кум ўдыр да кум рвезе районышто эртаралтше «Президентские состязания» модмаште кокымшо верыш лектынг. «Катюша» куштымаш дене Йошкар-Олаште эртаралтше «Рошто шўдыр» фестивалыште участвоватленна. Патриотизм муро кон-

курсышто кокымшо верым сенген налынна. Классыште келшен илена, икоян улына, спортымат пагалена. Тунемме ийым поход дене иктешленна (снимкыште). Велосипедыш шинчын, Юл энгер воктеке кудалынна. Мечым, бадминтоным, скакалкым пелен налынна. Модын, воштылын, тўрлым шарналтен, жапым веселан эртаренна. Класс вуйлатышына Людмила Яковлевна, Аринан аваже Ирина Ильиничналан пырля лиймыштлан таум ойлена.

*5-ше «Б» классыште тунемше-влак.
Звенигово, Чакмарий.
Фотом школ архив гыч налме.*



Марий Элысе увер

«Бендериада» регион-влак кокласе сатир да мыскара фестиваль тений гыч «Васюки Фест» маналташ тўналеш.

Пайрем 17-19 июльшто Козьмодемьянскыште эртаралтеш. Тудо ончычсо семынак мыскара шўлышан лиш.

Марий тўвыра рўдер «Салтак рушник» акций нерген увертарен. Ушнаш манын, салтакын лўмжым да тудын нерген вес уверым солыкыш тўрлыман. Пашам 16 июнь марте рўдерыш намиен пуыман. Кумда увер – mari-centr.ru сайтыште.

17-23 июльшто финн-угор калык гыч лекше йоча да самырык-влакын тўнямбал слўтышт лиш. Тудо «Авангард» военно-патриотический рўдерыште эртаралтеш.

Артековец да моряк

Кӧм наставниклан шотлыман? Тиде вес еглан шинчымашым ешараш полшышо, у корным ончыктышо, ой-канашым пуышо айдеме. Тыгай вашмутым Кужэнер районсо Йӱледӱр школышто 10-шо классым тунем пытарыше Виктория Антропова (снимкыште) пуыш. Тудо тӱналыш класслаште тунемше-влакын наставникышлан да поро йолташышлан шотлаатеш.

Виктория – школысо «Движение Первых» толкынын председателже. Тыгак волонтер пашам вктара. Ӱдыр шкенжым вожатый семынат терген ончен: ончылий «Орлёнок» всероссийский йоча рӱдерыш 4-ше классыште тунемше-влак дене пырля миен. Самырык вожатый-шамычым «Орлята России» проект радамыште улшо трек-влак дене пашам ышташ туныктенит.

– Кажне трек шкешотан, ойыртемалтише лийын. Мутлан, «Орлёнок-Лидер» трекуште классыште але командыште лидерым муын моштым нерген каласкаленит. «Орлёнок-Доброволец» трек радамыште мый йоча-влаклан открыткым ыштенам. Нуно пеш йывыртеныт, поро мут ден шокшо онда-



лалтмашым мыланем пӧлекленит, – ойла Виктория.

Марий ӱдыр «Артек» тӱнямбал йоча рӱдерыштат лийын. «Кипарисный» лагерьыште «Морской» отрядыште канен. Тенгызыш лекмеке, шкем чын кучымо нерген правил-влакым пален налын, пышкемым кылдаш тунемын.

– Тиде пӱтӱвко пеш вучымо лийын. Тылец ончык кок гана йодмашым колтенам, но «Артекыш» каяш верештын огыл.

Мый ӱшаным йомдарен омыл, шонымашемым шукташ манын, эшеат чот тыршаи тӱналынам. Куандара, чыла тиде арам лийын огыл, – палдара чолга марий ӱдыр.

Смене мучко Виктория отрядше дене пырля тӱрлӧ зачётым сдатлен. Тыршымышт сенымашым конден: тенгыз многоборьеште икымше верыш лектынит.

– Таңасымашлан чот ямдылалтынна. Мурым муренна, семафорым лудаи да такелажым ышташ тунемынна, тыгак тенгызыш шлюпо дене лектынна. Зачёт-влак деч вара мыланна ойыртемалтише тенгыз формым чиктеныт да моряк ешыш пуртеныт. Мый ынде артековец веле огыл, морякат улам!

Катя СЕРГЕЕВА.

Фотом еш архив гыч налме.

Семафор – флажокым кучылтын, тенгызыште уверым колтымо йӧн.

М

Такелаж – тенгыз суднышто ик ужашым весе дене кылдаш да вктараш полшышо арвер-влак.

Йӧратыме «Ямде лий» газетна

Оршанке районсо Кугунур кыдалаш школышто кумшо классым тунем пытарыше йоча-влак да туныктышышт Наталья Яковлевна Уткина ялысе книгагудо дене пенгыде кылым кучат. Чӱчкыдын унала толыт. Тӱрлӧ мероприятийыште, акцийыште вийыштым тергат. Сӧрал книгагудам лаштыклат. Эн чот «Ямде

лий» газетым лудаи йӧратат (снимкыште). «Йомак чондай», «Ныл йолан йолташна», «Пӱртӱс муро», «Йоча сандалык» лаштык-лам поснак пагалат.

«Ямде лий» газет шочмо марий йылмым да тӱвырам аклаш да аралаш полша.

Н.В.ПАВЛОВА, книгагудо вуйлатыше.
Авторын фотожо.



1 июнышто Йошкар-Олаште художественный гимнастике дене «Жемчужинка» почмо турнир эртаралтын. Тушко Марий Эл, Татарстан, Чуваш республикла, Виче кундем гыч ӱдыр-влак ушненыт. Мыят мастарлыкым ончыктенам да икымше верым сенген налынам (снимкыште). Моткоч йывыртенам. Тренерем С.А.Арутюнянлан нимучашдыме таум ойлем.

Венера ЛАРИОНОВА.

4-ше номеран Медведево школ.
Фотом еш архив гыч налме.



Тўналтышыже – 1-ше лаштыкыште.

Ик еш гае илат

Уял Кукмара посёлко деч 15 километр тораште верланен. Селаште марий, татар, руш да моло калык келшен илат. Тўрлө тўвыра поянлыкым ужин кушмеке, йоча изиж годсек вес калыкым да тудын йўлажым пагалаш тунемеш. Арам огыл Почкучук кыдалаш школыш пурымаште «Пагален ўжына» муткылдышым кум йылме дене возымо. Семык марий-влакын пайремышт гынат, Кна энгер лопысо аланышке тўрлө йылме дене мутланыше да йўлам шуктышо калык погынен. Марий тўвыра нуным иктеш ушен.

Мурымаш да куштымаш

Пайрем шўлыш Уялым кече нўлталтме денак авалтен. Эр гычак машина ден автобус-влак толеденит. Селасе калык да тусо «Кна вел» ансамбль муро, мелна кышыл да пура дене вашлийынт. Пайремын официальный ужашыже 11 шагатлан тўналын. Селасе тўвыра пўрт чонга гыч тўналын тўн сцене марте шуйнен, фольклор ансамбль-влак уна-шамычым муро дене вашлийынт. Тагўшкылмаш деч вара Юванай ден Айвин илыш корныштым, неле-йўсым сенен лекмыштым, ешым чумырымыштым мурымаш, куштымаш гоч ончыктенит. Тиде Семыкын ик ойыртемалтше палыже: ожно тиде кечын сўаным ыштенит. Мучашлымеке, фольклор ансамбль-влак мастарлыкышт дене куандаренит. Марий мурызо-шамыч калыкын шўм-чонжым савырен моштенит, а «Марий Эл» кугыжаныш куштышо ансамбль мурсем почеш чылам тавалташ



Родо-тукымым ушышо пайрем

ушен. Тўрлө кундем гыч толшо ансамбль-влакым калык поснак шокшын вашлийын. Ты кечын «кандырам пунен» куштымаште мыняр менгым эртенит – каласаш неле...



Ўшан – самырык тукымлан

Самырык тукымат пайремыште шке чолгалыкшым ончыктен. Мастарын тавалтен, йоча-влак ончыкылыклан ўшаным пуэныт. А йоча газет пашаенлан тиде эн кугу пўлек. Теркупшым упшалше Егор Музафаров ден Кирилл Сергеев (снимкыште) шинчалан вигак перненит. Рвезе-влак Татарстан Республикасе Мамадыш район Курыкъял тўн школышто тунемыт. «Олык сем» ансамблыш

пырля коштыт. Коктынат марла яндарын мутланат, шочмо калыкын тўвыражым пагален кушкыт, пайрем йўла ойыртемем шымлаш кумылан улыт.

Эн чевер, эн уста

Пайрем радамаште «Чевер марий ўдыр – 2025» ден «Марий еш – 2025» конкурс-шамыч эртаралтыныт. Татарстан ден Удмурт республикла гыч чолга ўдыр-влак усталыкыштым тўрлө могырым ончыктенит. Икымше верым Уялын ўдыржў Наталья Ишимова сенен налын. «Марий еш» конкурсышто участник-влак ешышт дене палдаренит, вашкыл пенгыдылыкыштым ончыктенит. Сенышыш Ирбулдинмыт еш (снимкыште) лектын.



Катя СЕРГЕЕВА.
Авторын фотожо-влак.

Эн онгай вич пырыс

Йошкар-Олаш **өрыктарыше** **янылыкым, шукш-копшангым, киш-кым да моымат чүчкыдын кондат. Шукерте огыл пырыс-влакым ончаш темленыт ыле. Ик тыгай ончарышкыже мыят миен толынам.**

– Мемнан дене 25 урлык 44 пырыс уло. Нуно ончерыш түрлө амаллан көра логалыныт: иктым осал оза деч налынна, весым урмыште муынна... Касныжым эмленна, күлеш прививкым шынденна, айдемылан ушанышты маным, пырыс психолог дене пашам ыштена. Ме икешотан приют улына манам гын, чыпрак лиеш. Уна-влаклан пырысым пукшаш, нияташ темлена. Ныл йолан йолташна-шамыч калык деч ноят гын, нунылан шылашышт, канашышт посна пöлемым келыштаренна, – ойла ончер вуйлатыше Феликс Александрович Герц.

Пырыс-влак чынжымак түрлө улыт: кужу пунан да пундымо, тыглай да кучык чапан, йорга да ласка койышан... Айста эн ойыртемалтше вич янлык дене тендам палдарем.

Эльф сфинкс – чулым, йоча-влак дене модаш йораты-



ше пырыс. Тудо кошар да тұжвал велыш тодылалтше пылышыж дене өрыктара. Ты урлык пырыс мөнгысö янлык да кайык дене кылым вашке муэш.

Аравийский мау – верблюдоу семын вуд деч посна ятыр жап илен кертеш. Ты урлык пустынысе ир пырыс деч лектын. Чүчкыдын йылмым ончыкта. Тудын организмыштыже кочкышат, вудат ситымым тыге палдара.



Ты пырысын лумжө – **Шурик**. Ачаже – кошар неран, кугу пылышан, вичкыж да кужу почан ориентал урлык пырыс. Аваже – мейнкун. Шурик ачаж да аваж деч эн сай койышым налын, йорга да весела улеш.

Скоттиш-фолд (але шотландский вислоухий пырыс) –



кечыше пылышан пырыс. Мамык пунан кум тылашаш ты пырысыгым Гуляш маным лумденыт.



Абиссинский урлык Ляля лүман пырыс изи гынат, ты ончерыште прайд вуйлатыше. Пырыс-влак коклаште ырлыме йук шокта гын, вигак чараш вашка. Тудын деч ончыч ик янлык кочкаш ок тошт. Кө пырысым ончынеже гын, ты урлык лач келшен толеш. Тудын деч аллергия уке, маныт. Айдеме дене шкенжым ласкан, порын куча. Пунжо кучык, яклака.



Оля МАЙКОВА.
Авторын фотожо-влак.

Поро паша



«Поро паша кок ўмыран», – манит калыкыште. Тиде калыкмутым Морко районсо Коркатово лицейште тунемше-влак раш умылат. Садлан шонгыен-шамычланат, шольо-шўжарланат эре полышым пуат. Тунемме жапыште поро паша декадым увер-

тареныт ыле. Теве иктыже азапыш логалше пий ден пырыслан кочкышым погымо шотышто лийын (снимкыште). Түрлө йөрварым палемдыме верышке намиен пуэныт.

Вячеслав СМЕРНОВ ямдылен.
Фотом лицейын архивше гыч налме.




Тиде мыйын йоратыме пием. Те умылышда, шонем, тудо мыйын йолташем. Ме коктын модына, эре пырля улына. Бэнди пелен эре весела.

Ксения РУЗИНА.
Йошкар-Ола, 80-ше номеран йочасад.
Фотом еш архив гыч налме.



Түткө лийза

Чевер кенез кечын ятыр жапым урмыште, пүртү-сыштö эрта-рена. Коштмо корнышто түткө лий-ман, кишке-влак



вашлиялтын кертят. Кумыж-вуян ма, аяран ма – иктымат тұкаш ок лий. Ужмеке, коран кайыман. Трукышто кишке чўнгалын гын, тебе мом ыштыман:

- 1 Ача-авалан але вес кугы-енлан каласыман.
- 2 Азапыш логалше тарваныде кийыаш.
- 3 Чўнгалме тура деч кўшкы-рак повязкым кылдыман.
- 4 Сусыргышылан шуко вўдым йўктыман.
- 5 Вашкеполышым ўжыктыман.

Палыдыме арверым ида нал

Пудештын кертше ўзгар-влак енлан кугу энгекым кондат. Коштмо корныштыда ен сумкам, яшлыкым, пакетым, модышым але вес палыдыме арверым верештыда гын, түткө лийза.

- ✓ Тудын деке ида лишем.
- ✓ Воктеныда улшо кугы-енным шижтарыза.
- ✓ Торашке коранза.
- ✓ Экстренный службыш ынгтыртыза.

Вўд ыра – йўштылаш вашкена

Кенежын ик эн куанле татше – йўштылмаш. Игече шокшеммеке, вўд левымеке, изижат-кугужат энгер, ер воктеке вашкат. Весела жап азап деч посна эртыже манан, лўдыкшыдымылык правил-влакым эскерыза. Шкендам да лишыл егда-шамычым аралыза.



мычым ида кучылт. Нуно трукышто шўтлат гын, ийын моштыдымо але начарын ийше ег вўд йымак каен кертеш. Кугыен деч посна пуш денат ияш ок лий.

● Игече 25 градус деч шокшо, а вўд 18 градус марте ырен гын – 6-8 минут йўштылаш лиеш. 20 градусан вўдыштö – 10-12 минут, 20 градус деч левырак вўдыштö 15 минут йўштылаш темлат.

● Кочмо деч вара шагатат пеле эртымеке веле, вўдыш пурыман.

Ешартыш

! Марий Элыште йўштылмö пагытым 1 июньышто почыныт.

Пудий деч шекланыза

Вашке емыжым, понгым погым тургым тұналеш. Чодыраш, вўд воктеке кайымыда годым пудий деч шекланыза.

- ✓ Чашкерыш ида пуро.
- ✓ Пушенге укшам ида тодышт, уке гын пудий пурен кертеш. Адакшым пўртўслан энгекым кондеда.
- ✓ Капдам вургем петырыже. Йолашым носки көргыш пўтырал чийыза.

✓ Вуйчием нерген ида мондо. Ўпдам шылтыза.

✓ Чодыра гыч толмеке, вургемдам сайын почкыза.

✓ Капдам түткын ончен налза.

✓ Ўпдам тыгыде пўян шерге дене шерза.

✓ Пудийым капыштыда верештын-да гын, кугыенлан ончыктыза. Шке гыч ида лук.



Кавашке ончыза...

Пилот деч посна виктарыме чонештылше аппаратым ужында гын, улак верыш шылза. 102, 101 але 112 телефон номер дене йынгыртен, тудын чонештыме

жапшым да вержым шижтарыза. Волтен шуаш але шалаташ ида тырше. Камвочшо аппаратым шекланенда гын, тудын деке ида лишем, ида тұкө.



112

Единый
служба



101

Пожар
служба



102

Вашкеполыш



103

Полиций

9 июнь – Йолташ-влакын
тўнямбал кечышт.

Ака-шўжар гай улыт



«Йолташкет уке гын – кычал,
уло гын – арале», – маныт ка-
лыкыште. Теве Кужэнер район
Салтакъял села гыч Василиса

Скворцова ден Алёна Березина
(снимкыште) ака-шўжар гай ваш
пагален, аклен кушкыт.

– Ме ўпыш пижше жвачке
гай улына – мемнам ойыраш
неле. Чыла вере пырля кошты-
на. Икте-весеылан огына сыре.
Иктаж ўчашымаш лийын кая
гынат, вигак сōрасена, – ойла
Василиса.

– Йолташ ўдырем поро,
мотор. Тудын дене йочасад
гычак келшена. Тўняумылы-
машина, шонымашина икгай, –
ешара Алёна.

Ўдыр-влак 4-ше классым ту-
нем пытареныт. Коктынат са-
йын тунемыт. Сўретлаш, тўр-
лō кидпашам ышташ кумылан
улыт. Нуно ўмыр мучко кел-
шаш да ўшанле йолташ ли-
яш шонат.

Оля МОШКИНА.
Авторын фотожо.

Лудаш темлена

Июньышто марий серызе Илья
Ломберскийын (Токмурзин)
усталык корныж дене палыме
лияш темлена. Тудо Одо кун-
дем Карагōл район Ныргындыш
ялын шочшыжо. «Куд разбой-
ник» ойлымашыжым лудын лек-
са да шоналтыза: лўдаш амал
чынжымак лийын мо?

Руш серызе Михаил Пришви-
нын «Кладовая солнца» повесть-
шылан 80 ий темеш. Йоча-влак-
лан келшыше сылнымутан про-
изведений. Ача-ава деч пос-
на кодшо ака-шольо Настя ден
Митрашка, икте-весеылан энэр-
тен, чыла нелым сенен илаш

тунемыт. Произ-
ведений нерген
шке шонымашдам
возен кертыда.

Антуан де
Сент-Эк-
з ю п е -
ри тале
серызе веле огыл, тыгак лўд-
дымō лётчик семын палыме.
Ты пашаж нерген произведе-
нийлаштыже раш ужаш лиеш.
«Планета людей» автобиогра-
фий сынан повестьшым лудса да
вашештыза: «А те лётчик лийын
кертыда мо?»

Катя СЕРГЕЕВА ямдылен.



Куштырат пайдале

Пластик пўртўсыштō тўжем ий
наре шўде киен кертеш. Тудо тў-
нялан кугу энтекем конда. Садлан
пластикым, моло куштыра деч ой-
ырен, лўмынак келыштарыме ве-
рыш сдатлыман.

Ме, Морко посёлкысо 1-ше номе-
ран школышто 3-шо «А» классым
тунем пытарыше-влак (снимкыште),
«Добрые крышечки» акцияш уш-
ненна. Петыртыш-влакым да вес
пластикым посна погенна. Ынде
мемнан ямдылыме пластикнам
перерабатыватлен, вес пайдале
арвер-шамычым ыштаат.

Артём ИВАНОВ, Алексей
ГИБАДУЛИН, Егор ЕГОРОВ.

1-ше номеран Морко школ.
Фотом школ архив гыч налме.

М.ШКЕТАН ЛЎМЕШ МАРИЙ КУҢЫЖАНЫШ ДРАМЕ ТЕАТР

27 июнь 20:00

Морко район, Ўшўттўр ял.
Пўртўс аланыште

Кас тўналеш 18 шагатлан

Кугу пайрем концерт
**Айдеме чон –
кавасе шўдыр**

Программыште: Кумдан палыме да у муро-влакым
Шкетан театрын артистше-влак йонгалтарат

Театр гыч кулештемеш артистше –
Мария Эл искусствын сўло дательше
Василис ПЕКТЕШ

8(8362)78-13-78
SHKETAN.RU

Рекламе.



0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыше урем, 20-шо пōрт.
Тел. 8(8362) 45-22-82.

Газетым редакцийште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пуйымо жап –
14-00, фактически – 13-00.

Авторын да редакцийын
шонымашышт тўрлō лийын кертыт.
Серыш-влак мōнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистраватлыме.
Номер – ПИ № ТУ52-01404,
2023 ий 22 сентябрьыште пуйымо.

У конкурс



Ангелина КРАШЕНИННИКОВА –
родо-тукымжо дене пырля.
Йошкар-Ола.

6 июнь – руш серызе Александр
Сергеевич Пушкинын шочмо кечыже.

Нине сүрет-влакым могай йомак
почеш келыштарыме?



Диана АЛЕКСЕЕВАН сүретше.
Волжский, Сотнур.



Софья МИТЯКОВАН сүретше.
Волжский, Сотнур.

Шочмо
кечемже кунам?

Руш классик А.С.Пушкинын
илиш корныжо да сылнымутшо
дене кылдалтше йодыш-влаклан
чын вашмутым пуэда гын, тўгал-
тыш буква-шамычым ушымеке,
мыйын шочмо кечем пален налы-
да. Адакшым ты кечын Руш йыл-
мын кечыже палемдалтеш. Ра-
шемдем: вашмут рушла лекшаш.

● Тиде ўдырлан көра Дадонын
эргыже-влак кредалыныт.

● Кумдан палыме романже
«... Онегин».

● «Моцарт и ...» трагедий.

● «Дубровский» роман гыч пер-
сонаж.

● «Евгений Онегин» гыч Татья-
на ден ... Ларина.

● «Сказка о мёртвой царевне и
о семи богатырях» произведений
гыч рвезын лўмжō.

● А.С.Пушкин лицей деч вара ...
паша коллегийыште ыштен.


● 1834 ийыште А.С.Пушкин ка-
мер-... званиян лийын.

● Болдино села тиде кунде-
мыште верланен.

● Арина Родионовнан фами-
лийже.

Алексей ТИМОФЕЕВ.
Волжский, Сотнур.

Ук шырпым верже дене
вашталтен, чын вашму-
тым ыштыза.



Янлык-влакым
келшыше ужаш
дене ушыза.



Шотлыза.

